

Time - 7:30 -7:40 Hrs
Regional News Unit AIR Aizawl
Sunday, November 09, 2025
AKASHVANI AIZAWL

REGIONAL NEWS BULLETIN

HEADLINES (MORNING)

- Central YMA President Pu R. Lalngheta chuan Mizoram kawngpui thatna atan hian Sawrkar leh pawl hrang hrang ten hma an la a. Amaherawhchu chak lakna ber kawngpui chu a tha mawh hle a ti.
- Dampa bial by election atan November ni 11, Thawhlelni a vote thlak turin inpuahchahna chuan a vawr tawp thleng chho.
- Election Commission of India chuan Tarn Taran Senior Superintendent of Police, Ravjot Kaur Grewal chu a rang thei ang bera suspend turin thupek a tichhuak.
- Prime Minister Narendra Modi sorkarin sector tam takah GST rate a tihhniam avangin September ni 22 khan GST Bachat Utsav òan a ni a, hei hian ram puma mipuite hlawkna a thlen a ni.

<><><>

CYMA

Central YMA President Pu R. Lalngheta chuan Mizoram kawngpui thatna atan hian Sawrkar leh pawl hrang hrang ten hma an la a. Amaherawhchu chak lakna ber kawngpui chu a tha mawh hle a ti.

He thu hi nimin khan sawiin, Central YMA hruiute chuan an president Pu R. Lalngheta kaihhruiin Mizoram chàk lakluhna kawngpui Sairang leh Vairengte kawngpui chu an enfiah a ni.

Kawngpui endikna-ah hian NHIDCL leh Contractor te hian hna an thawh mek leh an ruahmanna te sawiin, hmanraw lakluh leh thil danga harsatna an tawh te an lo hrilh a, Central YMA hruiute chuan harsatna an neih te pawh inhthlahrung lova an hnena thlen zel turin an hrilh a, kawng siam mekah tha taka an thawhpui tur thu an hrilh bawk. Central YMA hruiute hian Sairang leh Kawnpui inkar kawng chhia siamtha tur Contractor te chu an hnathawh hun chhunga tha tak leh lungawithlak taka thawh zo hman ngei turin an chah a. An hnathawh dan hi an enzui zel tur thu leh Monitoring atan thil sawi ho zung zung a awlsam nan leh hnathawh dan tarlanna turin NHIDCL, Contractor te leh Central YMA hruiutun ruahmanna an siam a ni.

Central YMA hian kawng chungchanga an hmuh dan hi Executive meeting ah an sawi zui dawn a, Mizoram sawrkara thlen tur leh NHIDCL leh Contractor te la sawi pui zui tur te an sawi ho leh dawn a ni.

Pu R. Lalngheta leh Central YMA OB 4 leh CEC Member 37 an thawk chhuak a. PWD atangin SE, EE leh SDO te an tel bakah NHIDCL hotute leh an hnuaia Contractor te an tel a. Central YMA Team te hi Awithangpa Group YMA hruaitute leh Sub-Hqrs. YMA Kolasib hruaituten lo dawngsawng in Sub-Hqrs. YMA Office-ah leh Kolasib a NHIDCL Office-ah kawng chungchang sawi hoin Youth for Kolasib (YFK) te hmalak tawhna ngaihthlak a ni bawk.

Central YMA hruaitute hian kawng dinhmun enfiah hian Vairengte an thleng a, Vairengte Joint YMA Committee Room ah sawi hona hun an hmang zui bawk. Vairengte - Sairang Four Lane laih tan mekah Contractor te pawh sawipuiin a nih dan tur anga hnathawk turin an chah a, an la en zui tur thu an sawi bawk a ni.

Central YMA President Pu R. Lalngheta chuan Mizoram kawngpui thatna atan hian Sawrkar leh pawl hrang hrang ten hma an la a. Amaherawhchu chak lakna ber kawngpui chu a tha mawh hle a ti a, an hmalakna te en tlang a, tha taka hrilh an nih hnuaah pawh a ngai reng a la ni a nih chuan - Mizorama hnathawk tur hian midang lo lut rawh se, anni chuan lo hawsan tawh rawh se tih hun te pawh a awm lovang tih a sawi theih loh a ti.

<><><>

DAMPA PREPAREDNESS

Dampa bial by election atan November ni 11, Thawhlejni a vote thlak turin inpuahchahna chuan a vawr tawp thleng chho tawh a,

Nimin khan polling party te tan training hnuhnung ber neih a nih bakah an nimin tlai khan an bungraw ken turte endik felna neih nghal niin vawiin hian polling station hla zual 6 a duty tur te chuan an duty na tur hmun panin an kal dawn a ni.

Dampa bial by election Returning Officer Pu Malsawmzuala chuan inthlan hma chhawn turin an inpuahchah nasat tawh thu leh tuang tak a inthlan an neih theih a beisei thusawiin, vawiin hian polling station hla zual 6 - Silsuri 1, 2, 3, Zopui, Hnahva leh Lianbuang a duty turte chu an kal chhuak tawh dawn a, a bak zawng a duty turte chuan naktip thawhtanni khian an duty na tur hmun an pan ve thung dawn a ni.

Puan tawh thin angin Dampa bial by election lo awm turah hian National party 2 BJC leh INC, State party 2 MNF leh ZPM bakah Unrecognised register party MPC ten an inchuh dawn a, Dampa bial ah hian Polling station 41 awmin chung zinga polling station 3 Silsuri 1, 2, 3 te chu critical polling station niin Zopui polling station chu ke a kal ngai a ni bawk.

Dampa bial ah hian hmeichhia vote nei mi 10185 leh mipa vote nei mi 10605 avaiin vote nei mi 20790 an awm a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Vawiin chawhnu dar 2 leh a chanve-ah Chanchinthar puan leh a ni ang.

<><><>

BY-ELECTION

Dampa bial by election neih turah, Presiding Officers, Polling Personnel, Sector Officers, leh Security Personnel te chu inralring reng tur leh inthlan nia dan bawhchhiatna leh thil tha lo tihna (Poll Day Offences/Malpractices) a awm huna, a tul anga action la nghal zung zung tura hriattir an ni.

Sorkar thu chhuah tarlan dan chuan, Election commission of India-in Inthlanna kenkawh dan chungchanga inkaihhruaina a siam bawhzuina leh Representation of the People Act, 1951 leh Election Commission of India inkaihhruainain a hrilhfiar anga 2-Dampa (ST) Assembly Constituency 2025, Bye-election chu zalen, dik tak leh ralmuang taka inthlanna neih a nih theihna turin thuneitute hi inralring tura tih an ni.

<><><>

ASSAM RIFLES CHURCH

General Administration Department (GAD) chuan, tun hnaiar Assam Rifles Biak In hmun Sawrkarin Kohhran chhuhsak a tuma puhna Media-ah a lo lang chu thu belhchian dawl lo a nih thu an tarlang.

GAD thu chhuah tarlan danin, kum 2002 daih tawhah khan, khatih laia Sawrkar khan Assam Rifles ram chhuahsan a nih hnua a hman dan tur - The Mizoram (Restriction on Use of Transferred Land) Act, 2002 chu a lo pass tawh a. AR te'n an ram an lo chhuahsan tak avangin he Dan, Section 6-na hnuaiah, AR chhuahsan ram hman dan reltu tur Advisory Committee chu Sawrkarin a din ta a ni, an ti.

Sawrkar chuan ama thua thuthlukna siam mai chu tha a tih loh avangin, mipui huap kim thei ang ber turin he Advisory Committee hi a din a. Recognized Political party zawng zawng aiawhte, NGO hrang hrang sawmlehpakhat aiawhte leh Department hrang hrang aiawhte telin, Chief Minister chu Chairman a ni a. He Committee hi thuneitu sang ber leh thutawp siamtu a ni, an ti bawk.

<><><>

ECI suspends police

Election Commission of India chuan Tarn Taran Senior Superintendent of Police, Ravjot Kaur Grewal chu a rang thei ang bera suspend turin thupek a tichhuak.

Amritsar Police Commissioner Gurpreet Singh Bhullar chu SSP, Tarn Taran hna thawk tur additional charge pek a ni a. Shiromani Akali Dal-a complaint vang a ni a, November 11-a ramri district-a Assembly by-election neih hmaa Tarn Taran-a Ravjot Grewal leh police officer dang pahnih-te'n Aam Aadmi Party an thlawp nia puh an ni.

<><><>

GST on handicrafts

Prime Minister Narendra Modi sorkarin sector tam takah GST rate a tihhniam avangin September ni 22 khan GST Bachat Utsav òan a ni a, hei hian ram puma mipuite hlawkna a thlen a ni.

Nimin Akashvani correspondent report ah chuan, GST thar hian kutthemthiam, sumdawngte leh a lei tu-te tan chhawmdawl na nasa tak a thlen a, kut hnathawh hmanrua eng emaw zat aòanga chhiah lak tihtlem a ni. GST siamòhatna thar hnuaiah hian thing, lung leh thir hmanga siam milem-a chhiah lak òhin chu zaa 12 aòangin zaa 5-ah tihhniam a ni.

Tax tihhniam zingah hian lemziak, mawmbati siam, thinga siam thil leh bungbel, leia siam te pawh a tel a . He hmalakna hian ram chhunga kutthemthiamte a tanpui mai ni lovin, economy tihhmasawn leh kutthemthiamna hmanga eizawn chu mi zawng zawng tana hman tih turin a siam a ni.

<><><>

PTC RECRUITMENT

Akashvani (All India Radio) Aizawl Regional News Unit chuan District hrang hranga thawk tur Part Time Correspondent (PTC) a la dawn.

Akashvani Aizawl Regional News Unit chuan PTC tur hi Aizawl, Hnahthial, Vairengte, Champhai North leh Chawngte ah te a la dawn a, kum 24 atanga kum 50 inkar Graduate tan November ni 14, 2025 thleng dilna theluh theih a ni.

PTC dilna form hi News Section, Akashvani Aizawl pisa Tuikhuahtlangah lak theih ani dawn a, AIR News Aizawl Facebook page ah download theihin a awm baw ang.

Hrechiang duh tan AIR News Aizawl Social media page ah leh phone number 8131823773 ah zawhfiah theih a ni.

<><><>